

Journal of
Natural
science

No5
2021

<http://natscience.jspi.uz>



| <u>ТАҲРИР ХАЙЪАТИ</u> | <u>ТАҲРИРИЯТ АҶОЛАРИ</u> |
|--|--|
| <p>Бош мухаррир – У.О.Худанов т.ф.н., доц.</p> | <p>1. Худанов У.О. – ЖДПИ Табиий фанлар факултети декани, т.ф.н., доц. 2. Шылова О.А.-д.х.н., профессор Института химии силикатов им. И.В. Гребенщикова Российской академии наук (ИХС РАН) 3. Маркевич М.И.-ф.ф.д. проф Белорусия ФА 4. Elbert de Josselin de Jong- профессор, Niderlandiya 5. Кодиров Т- ТТЕСИ к.ф.д, профессор 6. Абдурахмонов Э – СамДУ к.ф.д., профессор 7. Сманова З.А.-ЎзМУ к.ф.д., профессор 8. Султонов М-ЖДПИ к.ф.д,доц 9. Яхшиева З- ЖДПИ к.ф.д, проф.в.б. 10. Рахмонкулов У- ЖДПИ б.ф.д., проф. 11. Мавлонов Х- ЖДПИ б.ф.д.,проф 12. Абдурахмонов F- ЎзМУ фалсафа фанлари доктори (кимё бўйича) (PhD), доц 13. Хакимов К – ЖДПИ г.ф.н., доц. 14. Азимова Д- ЖДПИ фалсафа фанлари доктори (биология бўйича) (PhD), доц 15. Юнусова Зебо – ЖДПИ к.ф.н., доц. 16. Гудалов М- ЖДПИ фалсафа фанлари доктори (география фанлари бўйича) (PhD) 17. Мухаммедов О- ЖДПИ г.ф.н., доц 18. Хамраева Н- ЖДПИ фалсафа фанлари доктори (биология фанлари бўйича) (PhD) 19. Раширова К- ЖДПИ фалсафа фанлари доктори (кимё бўйича) (PhD), доц 20. Мурадова Д- ЖДПИ фалсафа фанлари доктори (кимё фанлари бўйича) (PhD), доц</p> |
| <p>Муассис-Жиззах давлат педагогика институти</p> | |
| <p>Журнал 4 марта чикарилади (хар чоракда)</p> | |
| <p>Журналда чоп этилган маълумотлар аниқлиги ва тўғрилиги учун муаллифлар масъул</p> | |
| <p>Журналдан кўчириб босилганда манбаа аниқ кўрсатилиши шарт</p> | |

Жиззах давлат педагогика институти Табиий фанлар факултети

Табиий фанлар-Journal of Natural Science-электрон журнали

[/http://www/natscience.jspi.uz](http://www/natscience.jspi.uz)

ЖИЗЗАХ ВИЛОЯТИДА ГИДРОЛОГИК ХУСУСИЯТЛАРНИНГ ТАҚСИМЛАНИШИ

М.Н.Камолов., Ж.Холмирзаев., Б.Хакимов.

География ва иқтисодий билим асослари кафедраси ўқитувчилари.

Аннотация: Мақолада Жиззах вилоятини сув билан таъминлайдиган асосий манбалар ва уларнинг умумий сув захираси ҳақида сўз юритилган. Бундан ташқари туманлар ва ирригация тизимлари ўртасидаги алоқадорлик ҳамда худудларнинг сув ресурслари билан таъминланганлик ҳолати таҳлил қилинган.

Калит сўзлар: сув ресурслари, географик омиллар, Жиззах вилояти ва туманлари, ирригация тизимлари, ҳавза бошқармаси, дарё ўзани, гидрографик объектлар, ер ости сувлари, зовурлар, ички сой ва булоқлар.

Аннотация: В статье говорилось об основных ресурсах, обеспечивающих водой Джизакскую область, и об их общем водном запасе. Кроме того, проанализирована взаимосвязь между районами и ирригационными системами, а также состояние обеспеченности территории водными ресурсами.

Ключевые слова: водные ресурсы, географические факторы, Джизакская область и районы, ирригационные системы, бассейновое управление, бассейн реки, гидрографические объекты, подземные воды, канавы, внутренние ручьи и родники.

Маълумки ер юзидағи ҳудудларнинг маълум бир юзаси сув билан қопланган. Уларни иккига табиий ва сунъий сув ҳавзаларига ажратиб ўрганишимиз мумкин. Табиий сув ҳавзаларига табиий равишда вужудга келган гидрографик объектларни киритишимиз мумкин. Вилоятда инсон хўжалик фаолиятининг сув объектлари, жумладан, дарёларнинг гидрологик режими ва сув ресурсларининг миқдори ҳамда сифатига таъсирини баҳолашга, арид ўлқада сув тақчиллигининг олдини олишга ҳамда бундай шароитларга мослашиш тадбирларини ишлаб чиқиш ва такомиллаштиришга, қишлоқ хўжалиги ва иқтисодиёт тармоқларида сувдан фойдаланишнинг замонавий технологияларини қўллашга муҳим аҳамият қаратилмоқда.

Табиий сув ҳавзалари ичида дарёлар табиатда ва халқ хўжалигига муҳим аҳамиятга эга. Дарёлар табиий сув ҳавзаларига ҳавзага ёқсан ёғинлардан хосил бўлган ер усти ва ер ости сувлари хисобига тўйиниб, табиий ўзанда оқувчи сув массалари табиий ҳавза хисобланган асосий қуруқликдага дарёларни хосил қиласди.

Айни пайтда, вилоятда кучли антропоген омил таъсиридаги дарёларнинг гидрологик режимини тадқиқ этиш, улар оқимининг йил давомида ойлар ва турли мавсумлар бўйича тақсимланишини ҳамда йиллараро тебраниши хусусиятларини баҳолаш, бундай шароитларда дарёлар оқимини интеграллашган ҳолда бошқариш усулларини такомиллаштириш масалалари мухим ҳисобланади

Жиззах вилояти ички сувларининг шаклланишига жойнинг иқлими, ер юзаси ва географик тузилиши катта таъсир кўрсатади. Шу сабабдан, минтақа ер юзаси ва гидрологик хусусиятларини инобатга олиб уни икки қисмга ажратиш мумкин. Биринчи, тоғли қисми яни, дарё сувларини ҳосил қилувчи худуд. Бу ерда қорларнинг, музларнинг эришидан ва ёғинларнинг кўплиги туфайли дарёлар ва бир қанча сойлар ҳосил бўлишини кузатиш мумкин. Иккинчи, текислик қисми яни, сув сарфланадиган худуд. Тоғларда ҳосил бўлган сув ресурслари текислик томон ҳаракатланиб бу ерда буғланишга, экинзорларни сугоришга, бошқа эҳтиёжларга ва ер остига шимилади.

Жиззах вилояти дарёлари океан ва денгизга қўйилмайди, материкнинг узоқ ички қисмидаги берк ҳавзасидаги дарёлар бўлгани учун ҳам ўзига хос режим ва хусусиятга эга бўлган континентал дарё ҳисобланади. Вилоятнинг катта қисми текислик ва тоғли ўлкаларидан эканлиги унинг гидрологик хусусиятига катта таъсир кўрсатади. Вилоятнинг дарёлари асосан тоғлардан бошланиб, текисликка чиққач сугоришга сарфланиб, ерга шимилиб, буғланиб суви камайиб қолади. Шу сабабли айрим дарё, сой ва булоқлар тоғлардан текисликка чиққач қумларга сингиб кетади. Масалан Молгузар тоғидаги Увалсой, Пшағорсой, Равотсой, Ардоҳшонсой. Нурота тоғидаги Ухумсой (узунлиги 25 км), Можрумсой (узунлиги 24 км), Осмонсой (узунлиги 21 км), Устихонсой, Чоғалаксой, Қуруқсой, Илончисой каби сой-булоқларнинг сув йигувчи ҳавзаси кичик, буғланиш потенцияли юқори бўлганлиги сабабли текисликларда йўқ бўлиб кетади. Фақатгина вилоятда Сангзор ва Зоминсув дарёлари аниқ мансабига эга. Яъни Сангзор дарёсининг бир қисми Жиззах сув омборига ва Айдаркўлга қўйилади. Иккинчи Зоминсув дарёси эса Зомин сув омборига қўйилади. Вилоят ҳудудида дарё тармоқларининг зичлиги бир хил эмас. Мавжуд табиий ўзандаги сувнинг фойдали иш коефитцентини ошириш мақсадида суний сув ҳавзалари ҳисобланган сув омборлар ва каналлар барпо этилган. Мазкур суний сув ҳавзалари асосан вилоятнинг шимолий қисмидаги Мирзачўл воҳасида ташкил этилган воҳаларни сугоришда ишлатилади. Бу эса сувга бўлган талабнининг 93% ни ташкил қиласди. Вилоятнинг шимоли Мирзачўл воҳаси тўлиқ ўзлаштирилиб антропоген агроригатацион ландшафтларга айлантирилган. Мазкур ҳудудда вилоятнинг 7 та қишлоқ

тумани жойлашган бўлиб уларга Арнасой-49273 га, Дўстлик-44869 га, Зарбор-70966, Зафаробод-52151, Мирзачўл-47848, Пахтакор-37741, Жиззах шаҳри-9639 гектарни ташкил қилиб вилоятнинг умумий майдони 21117830 га нжисбатан 15% ни ташкил қиласди. Вилоятнинг жанубий қисмидаги қишлоқ туманлар тоғ ва оғолди зонасида жойлашган бўлиб уларга Бахмал-186437 га, Фаллаорол-194852 га, Ш.Рашидов-132031 га, Зомин-266349 га, Янгибод-72131 га, Фориш тумани 953542 гектарни ташкил қилиб вилоятнинг умумий майдони 21117830 га нисбатан 85% ни ташкил қиласди. Мазкур туманлар умумий ер майдонининг 15 фоизини ишғол қилган текислик қисмида дарё тармоқлари жуда сийрак жойлашиб, ҳар кв.км майдонга 1м. узунликдаги дарёга ҳам тўғри келмайди. Ваҳоланки, республика бўйича дарё тармоқларининг ўртача зичлиги ҳар кв.км майдонга 2 метрдир. Республикамиз ҳудудининг 17 фоизини ишғол қилган адиirlар қисмида эса дарё тармоқлари нисбатан зичлашиб боради. Лекин бу ерлардан жуда кўп сугориш шахобчалари (арик, канал) бошланиб, уларнинг сувини ҳар томонга тарқатиб, сугоришга сарфлаб юборади. Вилоят ер майдонининг 85 фоизини ишғол қилган тоғли қисмда ҳар кв.км майдонга ўртача 240 – 250м. узунликдаги дарё тармоқлари тўғри келади.

Вилоят дарё тармоқларининг зичлиги ҳудуд бўйича бир хил эмас. Ҳудудда дарё тармоқларининг зичлиги бир хил эмаслиги энг аввало унинг рельефига, иқлимий ҳусусиятларига боғлиқ. Текислик қисмида дарёлар жуда сийрак бўлиб, ҳар кв. км майдонга дарёning 30-40 м узунликдаги қисми тўғри келади. Аксинча, тоғ ва адиirlарда дарёлар тармоғи зич. Бунга асосий сабаб, тоғларда текисликдагига нисбатан ёғинлар кўп тушади. ҳарорат пастлигидан мумкин бўлган буғланиш ва шимилиш кам бўлади. Натижада ёғиннинг кўп қисми дарё оқимига айланади. Тадқиқот натижаларига кўра вилоятнинг жанубий қисмидаги Туркистон –Молгузар тоғларига йилига 500-600 мм, Нурота тоғларига 400-500 мм гача ёғин тушади. Бу эса тоғлардан бошланувчи дарёларнинг серсув бўлишига сабаб бўлади. Айниқса, Зоминтоғдан Зоминсув дарёси ва Чумқортог ва Молгузар тоғларидан Сангзор дарёлари энг йириги хисобланади. Баландлиги пастроқ бўлган Нурота тоғларида ёзда қуриб қолувчи бир қанча сой ва булоқлар хосил бўлган. Вилоятимиз шимоли текислик қисмида эса, аксинча, ёз иссиқ, қуруқ, серофтоб бўлиб, йиллик ёғин миқдори 60 – 120 мм атрофида, лекин мумкин бўлган буғланиш эса 1200 – 1600 мм га етади. Бундай иқлимий шароитда оқимнинг вужудга келиши жуда қийин. Шу туфайли вилоятнинг текислик қисмида дарё тармоқлари жуда сийрак. Вилоятнинг тоғ дарёлари тор ўзанда тез, шиддат билан оқади. Айниқса эрта баҳорда шиддат билан ёқсан ёмғир таъсирида кўплаб сел ходисаларини содир қиласди. Бу эса турли иқтисодий-ижтимоий талофатларни келтириб чиқаради. Баъзи тоғ

дарёлари, дарё ўзани тагини ювиб, шаршара ва остоналар ҳосил қиласи, бундай сой-булоқларга кичик минигидроэлектр станцияларини курса бўлади. Текисликка чиққач, дарёлар кенг водийда тармоқланиб, илонизи ўзан ҳосил қилиб, секин оқади, кўпроқ қирғоқларини емиради. Сув сарфи ва сув ҳажми кам бўлганлидан хеч қандай кема қатнови йўлга қўйилмаган. Дарёлар тўйиниш жиҳатидан бир хил эмас. Вилоятдаги дарёлар мавсумий қор ва ёмғир сувларидан тўйинади.

Сангзор дарёси нафақат Жиззах вилоятида балки Мирзачўл табиий географик ўлкасининг энг йирик ва асосий дарёси ҳисобланади. Унинг умумий узунлиги 198 км, ҳавзасининг майдони 3220 km^2 ни ташкил этади. Сангзор дарёси Туркистон тоф тизмасининг Гуралаш довони яқинида 3400 м га якин баландликдаги булоқлардан ва шимолий ёнбағирларидан бошланувчи, 80 дан ортиқ сой ва жилгалар (Хўжасой, Бойқўнғирсой, Кўкжарсой, Оққўргонсой, Тангатопдисой, Сутариқ, Бахмазарсой, Навқасой ва б.) қўшилишидан вужудга келади. Жиззах шаҳридан 70 км шимолий-гарбда жойлашган, Қизилқум чўлининг жанубий-шарқий чеккасига Айдар-Арнасой кўллар тизими бир бўлаги ҳисобланувчи Тузкон кўлига бориб қуилади.

Зоминсув дарёси Еттикечувсойнинг Гилдиравутсой билан қўшилишидан ҳосил бўлади. Зоминсув дарёсининг сув йигиши майдони 709 km^2 , сув йигиши майдонининг ўртача баландлиги 2094 м, ўртача кўп йиллик сув сарфи $2,0 \text{ m}^3/\text{сек}$, максимал $2,37 \text{ m}^3/\text{сек}$, минимал $0,8 \text{ m}^3/\text{сек}$ ни ташкил этади, узунлиги 41 км га етади. Дарё мавсумий қор ва ёмғир сувларидан тўйинади, тўлин сув даври март-июн ойларига тўғри келса, йилнинг бошқа даврларида жуда оз микдордагина сув оқимиша эга бўлади. Дарё Зомин шаҳридан бошлаб бир қанча ариқларга бўлиниб кетади. Зоминсув дарёси асосий сув оқимининг 80% и март-апрел ойларига тўғри келади.

Ҳар қандай ҳудудда шу жумладан Жиззах вилоятида ҳам барча сув объектларида содир бўладиган гидрологик жараёнлар, дарё ва сой сув режимиning йил давомида ўзгариши, сув сарфларининг максимал даражага тушиб қолиши каби жараёнлар барчаси табиий географик шароитларга боғлиқ. Ҳозирги кунда гидрографик объектларда ва унинг ландшафтларида сезиларли ўзгаришлар рўй бермоқда.

Бир компонентдан иккинчисига йўналган доимий, аниқ ва нисбатан барқарор бўлган алоқалар тўғри алоқалар дейилади. Бундай алоқаларга тектоник структуралар билан рельеф орасидаги, реълеф билан иқлим, иқлим билан сувлар орасидаги алоқаларни мисол тариқасида келтириш мумкин. Иқлим омиллари, жумладан, атмосфера ёғинлари дарёларнинг тўйиниши, сув режимини ва бошқа кўпгина оқим кўрсаткичларини белгилайди. Сув

оқимининг тупроқ ҳосил бўлиш жараёнида тутган ўрни ҳам маълум. Тупроқ билан ўсимлик, ўсимлик билан ҳайвонот орасидаги алоқалар ҳам тўғри алоқаларга киради. Модданинг бир ландшафтдан чиқиб кетиши, иккинчи бир ландшафтга кириб келиши ва тўпланишида сувнинг аҳамияти бекиёсdir. Бундан ташқари, ландшафтлардаги жонли модданинг шаклланиши ва ҳаётида ҳам ва ниҳоят, айrim хиллари эса катта ўзгаришларни келтириб чиқариши мумкин. Инсон фаолиятининг ана шундай хилларидан бири қишлоқ хўжалиги бўлиб, унинг таъсирида ўзгарган ландшафтларни таснифларда алоҳида тур сифатида ажратилиши эътиборга моликдир.

Фойдаланилган адабиётлар

1. Л. А. Алибеков ва С. А. Нишонов “Природные условия и ресурсы Джизакской области” Ташкент. Изд “Узбекистан”, 1978).
2. Jumanazar, J. X. (2020). ЖИЗЗАХ ВИЛОЯТИНИНГ ТАБИЙ СУВ ҲАВЗАЛАРИ ВА УЛАРДАН САМАРАЛИ ФОЙДАЛАНИШНИНГ ГЕОГРАФИК ЖИҲАТЛАРИ. *Архив Научных Публикаций JSPI*.
3. Xolmirzayev, J., & Qosimov, N. (2021). Jizzax viloyati ichki suvlariga antropogen omillarning ta’siri. *Журнал естественных наук*, 1(2).
4. Холмирзаев, Ж. Э. (2021). HYDROGRAFIK TARMOKLARNING TERRITORIES VIDELANISH REGULARITIES (GIZZAH TORIDA). Экономика и социум, (4-2), 648-654.
5. Холмирзаев, Ж. Э., & Соибназаров, Д. (2021). СУВ РЕСУРСЛАРИНИНГ ГЕОГРАФИК ТАРҚАЛИШИ ВА ГЕОКИМЁВИЙ ТАРКИБИ ҲАҚИДА МУЛОҲАЗАЛАР (Жиззах вилояти мисолида). *Журнал естественных наук*, 1(4).
6. Abdullayev, I., & Xolmirzayev, J. (2020). ЖИЗЗАХ СУВ ОМБОРИ ВА УНДАН ОҚИЛОНА ФОЙДАЛАНИШНИНГ ГЕОГРАФИК ЖИҲАТЛАРИ. *Архив Научных Публикаций JSPI*.
7. Адилова, О. А. (2021). ЧЎЛЛАНИШ ЖАРАЁНИНИ ЎРГАНИШ БЎЙИЧА ТАДҚИҚОТ УСУЛЛАР. *Журнал естественных наук*, 1(4).
8. Gapparov, A. (2020). Жиззах вилояти тогли туманларда сув хавзаларининг ахоли жойлашув тизимларига таъсири. *Архив Научных Публикаций JSPI*.
9. Usmanov, M. (2020). Жиззах вилояти сув ресурсларидан фойдаланишнинг географик жиҳатлари. *Архив Научных Публикаций JSPI*.
10. Ҳакимов, Қ. М., & Адилова, О. А. (2015). Жиззах вилояти географияси. Т. "Фан ва технологиялар".
11. Ҳакимов, Қ. М., Холдорова, Г. М., & Эрматова, Н. Н. К. (2017). Принципы и основные положения номинации географических объектов. *Проблемы современной науки и образования*, (4 (86)).